

## SAMÞYKKT

### um afgreiðslutíma sölustaða í Ólafsfirði.

#### 1. gr.

Samþykktin tekur til hvers konar smásöluverslana í Ólafsfirði þ. á m. söluturna, söluvagna, mjólkurbúða og brauðbúða.

Bæjarstjórn getur ákveðið að fyrirmæli þessarar samþykktar eigi að nokkru eða öllu leyti við um afgreiðslutíma hjá öðrum fyrirtækjum sem hafa bein viðskipti við almenning, t. d. rakarastofum, hárgreiðslustofum, ljósmyndastofum, viðgerðarverkstæðum o. s. frv.

#### 2. gr.

Undanþegnar ákvæðum samþykktarinnar eru lyfjabúðir, bifreiðastöðvar að því er varðar bifreiðaafgreiðslu, bensínafgreiðslur að því er snertir sölu á bensíni og öðrum vörum til bifreiða og veitingastaðir sem selja heitar máltíðir, enda sé sú starfsemi meginhluti rekstursins að dómi heilbrigðisnefndar. Ekki ná ákvæðin heldur til sjálfsala, blaðsölu á götum, merkjasölu og annars slíks. Ef ágreiningur rís um skilning á ákvæðum samþykktar þessarar úrskurðar bæjarstjórn ágreiningsefnið að fenginni umsögn lögreglustjóra.

#### 3. gr.

Daglegur afgreiðslutími smásöluverslana og annarra sölustaða, er samþykkt þessi tekur til, skal vera sem hér segir, nema öðruvísi sé sérstaklega ákveðið í samþykktinni:

Virka daga er heimilt að opna sölustaði kl. 8.00 og þeim skal lokað eigi síðar en kl. 18.00. Á föstudögum er heimilt að halda öllum sölustöðum opnum til kl. 19.00. Á laugar-dögum er heimilt að halda sölustöðum opnum frá kl. 9.00 til kl. 16.00. Á laugardögum í desember má þó halda sölustöðum opnum til kl. 18.00 og síðasta laugardag fyrir jól til kl. 22.00. Síðasta virkan dag fyrir aðfangadag jóla er heimilt að hafa sölustaði opna til kl. 23.00.

#### 4. gr.

Um lokun sölustaða á einstökum helgidögum og hátíðisdögum gilda eftirfarandi reglur:

- Föstudaginn langa, páskadag, hvítasunnudag, jóladag og nýársdag skal öllum sölustöðum lokað allan daginn.
- Alla sunnudaga, skírdag, annan páskadag, sumardaginn fyrsta, 1. maí, annan hvíta-sunnudag, uppstigningadag, 17. júní, fyrsta mánudag í ágúst og annan jóladag, skal sölustöðum lokað allan daginn, sbr. þó undantekningarákvæði 5.—7. greinar.
- Á aðfangadag jóla og gamlársdag skal öllum sölustöðum lokað eigi síðar en kl. 12.00, sbr. þó undantekningarákvæði 5.—7. greinar.

## 5. gr.

Bæjarstjórn getur leyft, að fenginni umsögn heilbrigðisnefndar, að söluturnar og sambærilegir sölustaðir séu opnir alla daga frá kl. 8.00 til kl. 23.30, sbr. þó a og c lið 4. greinar samþykktarinnar.

## 6. gr.

Bæjarstjórn getur leyft að vikið sé frá framangreindum ákvæðum um afgreiðslutíma sölustaða þannig að heimilt sé að selja í gegnum söluop frá kl. 8.00 til kl. 23.30, sbr. þó a og c lið 4. greinar.

## 7. gr.

Bæjarstjórn getur heimilað rýmri afgreiðslutíma einstakra sölustaða en segir í greinum 3 og 5, m. a. þegar um er að ræða minjagripaverslanir, sölu á lifandi blómum, sölu á garðplöntum, sölu á jólatjám og slíkum vörum í desembermánuði og áþekka sölu þar sem eðlilegt telst að afgreiðslutími sé rýmri.

## 8. gr.

Í kvikmyndahúsum, leikhúsum, á íþróttavöllum, útiskemmtistöðum, við samkomuhús og á öðrum slíkum stöðum er heimilt, að fengnu samþykki heilbrigðisnefndar, að selja sælgæti, tóbak, ís, gosdrykki og annað slíkt sem ætla má að neytt verði á staðnum. Einnig má selja sýningarskrár, minjagripa eða annað sem eðlilegt telst að þar sé til sölu utan þess tíma er um getur í 3. grein, þó aldrei lengur en 1 klst. eftir að sýningu eða skemmtun lýkur.

## 9. gr.

Eftir lokunartíma sölustaða er óheimilt að selja þann varning sem verslunarleyfi þarf til sölu á. Þó skal heimilt að afgreiða þá menn sem komnir eru í verslun eða sölustað þegar lokað er. Ennfremur er heimilt að afgreiða vörur til skipa hvenær sem er sólarhrings.

## 10. gr.

Lögreglustjóri getur í einstökum tilvikum heimilað rýmri sölutíma en segir í samþykkt þessari, að fengnu samþykki bæjarstjórnar, þegar hann telur sérstaka ástæðu til, meðal annars þegar ákveðið er að ágóði af sölunni renni til almenningsheilla.

## 11. gr.

Fyrir leyfi samkvæmt 5. og 6. grein skal greiða gjald í bæjarsjóð. Bæjarstjórn ákveður árlega upphæð gjaldsins. Gjaldldagi þess er 1. febrúar ár hvert. Sé gjaldið ekki greitt á réttum gjaldldaga fellur leyfið úr gildi. Ef leyfishafi brýtur samþykkt þessa eða rekstur sölustaðar þykir ekki fara vel úr hendi, má bæjarstjórn svipta leyfishafa leyfi enda hafi hann ekki látið segjast við aðvörun. Jafnframt má þá ákveða að leyfi verði ekki veitt til slíks rekstrar á viðkomandi stað um tiltekinn tíma.

Samþykkt þessi, sem bæjarstjórn Ólafsfjarðar hefur sett með heimild í 1. gr. laga nr. 17 1. febrúar 1936 um samþykktir um lokunartíma sölubúða, staðfestist hér með samkvæmt 3. gr. sömu laga til að öðlast gildi þegar í stað, þó með þeim takmörkunum sem lög nr. 45 15. júní 1926 um almannafrið á helgidögum þjóðkirkjunnar setja.

Jafnframt er úr gildi felld samþykkt nr. 352 11. september 1978 um lokunartíma sölubúða í Ólafsfjardarkaupstað.

*Félagsmálaráðuneytið, 2. júní 1986.*

F. h. r.

**Hallgrímur Dalberg.**

*Húnbogi Þorsteinsson.*